

Ego Joannes diaconus cardinalis SS. Sergii et A Bacchi.

Datum Laterani, per manum Rolandi sanctæ Romanæ Ecclesiæ presbyteri cardinalis et cancellarii, viii Kalend. Maii, indict. II, Incarnationis Dominicæ anno 1154, pontificatus vero domni Anastasii papæ IV, anno primo

LXIX.

Bulla Alano episcopo Antissiodorensi data. — Jus ei confirmat in abbatem S. Germani.

(Laterani, April. 25.)

[Gall. Christ., XII, 123.]

ANASTASIUS episcopus, servus servorum Dei, venerabili fratri ALANO Antissiodorensi episcopo ejusque successoribus canonice substituendis in perpetuum.

Quæ a prædecessoribus nostris per iudicium vel concordiam acta esse noscuntur, in sua volumus stabilitate persistere, ut imposterum robur obtineant confirmationis nostræ munimine roborari. Eapropter, dilecte in domino fili Alane episcope, tuis justis petitionibus gratum accommodantes assensum, concordiam quam prædecessor noster sanctæ memoriæ papa Eugenius, super controversia quæ agitabatur de monasterio B. Germani inter Hugonem bonæ memoriæ prædecessorem tuum et dilectum filium nostrum Petrum Cluniacensem abbatem et monachos Sancti Germani fecisse dignoscitur, nos ejus vestigiis inhærentes apostolicæ sedis auctoritate firmamus, præcipientes ut in abbacia S. Germani sine Cluniacensis abbatis consilio abbas nullatenus eligatur; electum vero approbandi vel reprobandi canonice, et si dignus fuerit in abbatem benedicendi, tam tu quam successores tui habeatis liberam facultatem; benedictus autem obedientiam episcopo Antissiodorensi promittat. Depositio quoque ipsius, si talis, quæ absit, apparuerit iudiciali ordine facienda, et tam abbatis quam monachorum canonica correctio ad te nihilominus pertinebit. Chrisma, oleum sanctum, consecrationes altarium vel basilicarum, ordinationes monachorum vel clericorum, qui ad sacros ordines fuerint promovendi, abbas et monachi S. Germani ab Antissiodorensi episcopo tamquam a diocesano accipiant, donec gratiam apostolicæ sedis habuerint. Præterea memorati prædecessoris nostri papæ Eugenii statuta sequentes, præsentis scripti pagina confirmamus, ne quod a præfato Cluniacensi abbate de investitura per baculum ipsi abbati S. Germani factum est, tibi vel ecclesiæ tuæ imposterum præjudicium faciat, vel aliquod inferat detrimentum, et ne de cætero abbas S. Germani a Cluniacensi abbate investituram per baculum suscipiat prohibemus. Si quis autem hujus nostræ confirmationis paginam sciens contra eam temere venire tentaverit, honoris et officii sui periculum patiat, aut extrema ultione plectatur, nisi præsumptionem suam digna satisfactione correxerit.

Ego Anastasius catholicæ Ecclesiæ episcopus.

PATROL. CLXXXVIII.

Ego B. presbyter cardinalis tit. S. Calixti.

Guido presbyter cardinalis tituli S. Chrysogoni.

Umbaldus presbyter cardinalis tituli S. Praxedis.

Aubericus presbyter cardinalis tituli S. Anastasiæ.

Julius presbyter cardinalis tituli S. Marcelli.

Jordanus presbyter cardinalis tituli SS. Susannæ et Felicitatis.

Ego B. presbyter cardinalis tit. S. Stephani de Monte-Celio.

Johannes presbyter card. S. Johannis et Pauli tit. Pamachii.

Johannes presbyter card. tituli SS. Silvestri et Martini.

Imarus Tusculanus episcopus.

B Hugo Ostiensis episcopus.

Censius Portuensis episcopus.

Gregorius diaconus cardinalis et electus Sabiniensis.

Rodulphus cardinalis tituli Luciæ in Septa solis.

Guido diaconus card. S. Mariæ in Porticu.

Joannes diaconus cardinalis SS. Sergii et Bacchi.

Oddo diaconus S. Nicolai in Carcere Tulliano.

Datum Laterani per manum Rolandi Romanæ ecclesiæ presbyteri cardinalis et cancellarii, viii Kalend. Maii, indictione II, Incarnationis Dominicæ anno 1154, pontificatus vero domini Anastasii IV papæ anno primo.

LXX.

Ecclesiæ Burdigalensis privilegia et possessiones confirmat.

(Laterani, April. 25.)

[MANSI, Concil., XXI, 783.]

ANASTASIUS episcopus, servus servorum Dei, venerabilibus fratribus GAUFRIDO Burdegalensi archiepiscopo, ejusque suffraganeis episcopis Agennensi, Engolismensi, Xantonensi, Pictaviensi, Petragoricensi, et universis abbatibus per eandem provinciam constitutis tam præsentibus quam futuris in perpetuum.

Quoties aliqua ecclesiarum conditionibus sæcularium virorum per catholicorum principum provisionem eximitur et grata ei conceditur libertate potiri, sanctæ Romanæ Ecclesiæ universorum Christi fidelium matri providendum imminet attentius et agendum quatenus quod ad honorem Dei et salutem Ecclesiæ suæ factum esse dignoscitur, taliter auctoritate apostolica roboretur ut non debeat Ecclesia Dei, quæ libertati reddita videbatur, per aliquorum malitiam recidivis denuo conditionibus aggravari. Quemadmodum enim catholica mater Ecclesia, etc. nos prædecessorum nostrorum felicis memoriæ, Innocentii videlicet, Lucii et Eugenii Romanorum pontificum vestigiis inhærentes, nostri favoris assertionem firmamus, et ratam et inconvulsam futuris temporibus observari præcipimus. Ut videlicet tam in Burdegalensi sede quam in alijs episcopalibus